



KEMENTERIAN PENDIDIKAN MALAYSIA

KURIKULUM STANDARD SEKOLAH RENDAH

# Pendidikan Moral

Dokumen Standard Kurikulum dan Pentaksiran

Tahun 6





KEMENTERIAN PENDIDIKAN MALAYSIA

KURIKULUM STANDARD SEKOLAH RENDAH

# Pendidikan Moral

Dokumen Standard Kurikulum dan Pentaksiran

## Tahun 6

Bahagian Pembangunan Kurikulum  
SEPTEMBER 2021

Terbitan 2021

© Kementerian Pendidikan Malaysia

Hak Cipta Terpelihara. Tidak dibenarkan mengeluarkan mana-mana bahagian artikel, ilustrasi dan isi kandungan buku ini dalam apa jua bentuk dan dengan cara apa jua sama ada secara elektronik, fotokopi, mekanik, rakaman atau cara lain sebelum mendapat kebenaran bertulis daripada Pengarah, Bahagian Pembangunan Kurikulum, Kementerian Pendidikan Malaysia, Aras 4, 6-8, Blok E9, Parcel E, Kompleks Pentadbiran Kerajaan Persekutuan, 62604 Putrajaya.

## KANDUNGAN

Rukun Negara.....	v
Falsafah Pendidikan Kebangsaan.....	vi
Definisi Kurikulum Kebangsaan.....	vii
Kata Pengantar.....	ix
Pendahuluan.....	1
Matlamat.....	2
Objektif.....	2
Kerangka Kurikulum Standard Sekolah Rendah.....	3
Fokus.....	4
Kemahiran Abad Ke-21.....	8
Kemahiran Berfikir Aras Tinggi.....	10
Strategi Pengajaran dan Pembelajaran.....	11
Elemen Merentas Kurikulum.....	14
Pentaksiran Bilik Darjah.....	17
Organisasi Kandungan.....	20

Tema: Saya dan Negara.....	23
Kepercayaan Kepada Tuhan Menjamin Kesejahteraan Negara.....	24
Bantuan dan Sokongan Moral Kepada Negara.....	25
Tanggungjawab Sebagai Warganegara.....	26
Hargai Keunikan Negara.....	27
Amalan Hemah Tinggi Meningkatkan Imej Negara.....	28
Hormati Identiti Negara.....	29
Cinta Akan Negara.....	30
Amalan Adil Demi Kesejahteraan Negara.....	31
Berani Mempertahankan Maruah Negara.....	32
Kejujuran Demi Kesejahteraan Negara.....	33
Rajin Demi Kemajuan Negara.....	34
Kerjasama Demi Keharmonian Negara.....	35
Amalan Kesederhanaan Demi Kesejahteraan Negara.....	36
Amalan Toleransi Menjamin Perpaduan Negara.....	37
Panel Penggubal .....	38
Penghargaan.....	39



## **RUKUN NEGARA**

BAHAWASANYA Negara kita Malaysia mendukung cita-cita hendak:  
Mencapai perpaduan yang lebih erat dalam kalangan seluruh masyarakatnya;  
Memelihara satu cara hidup demokratik;  
Mencipta satu masyarakat yang adil di mana kemakmuran negara  
akan dapat dinikmati bersama secara adil dan saksama;  
Menjamin satu cara yang liberal terhadap tradisi-tradisi  
kebudayaannya yang kaya dan berbagai corak;  
Membina satu masyarakat progresif yang akan menggunakan  
sains dan teknologi moden;

MAKA KAMI, rakyat Malaysia, berikrar akan menumpukan seluruh tenaga dan usaha kami untuk mencapai cita-cita tersebut berdasarkan atas prinsip-prinsip yang berikut:

**KEPERCAYAAN KEPADA TUHAN  
KESETIAAN KEPADA RAJA DAN NEGARA  
KELUHURAN PERLEMBAGAAN  
KEDAULATAN UNDANG-UNDANG  
KESOPANAN DAN KESUSILAAN**

## **FALSAFAH PENDIDIKAN KEBANGSAAN**

“Pendidikan di Malaysia adalah suatu usaha berterusan ke arah lebih memperkembangkan potensi individu secara menyeluruh dan bersepadu untuk melahirkan insan yang seimbang dan harmonis dari segi intelek, rohani, emosi dan jasmani, berdasarkan kepercayaan dan kepatuhan kepada Tuhan. Usaha ini adalah bertujuan untuk melahirkan warganegara Malaysia yang berilmu pengetahuan, berketerampilan, berakhlak mulia, bertanggungjawab dan berkeupayaan mencapai kesejahteraan diri serta memberikan sumbangan terhadap keharmonian dan kemakmuran keluarga, masyarakat dan negara”

Sumber: Akta Pendidikan 1996 (Akta 550)



# DEFINISI KURIKULUM KEBANGSAAN

## 3. Kurikulum Kebangsaan

(1) Kurikulum Kebangsaan ialah suatu program pendidikan yang termasuk kurikulum dan kegiatan kokurikulum yang merangkumi semua pengetahuan, kemahiran, norma, nilai, unsur kebudayaan dan kepercayaan untuk membantu perkembangan seseorang murid dengan sepenuhnya dari segi jasmani, rohani, mental dan emosi serta untuk menanam dan mempertingkatkan nilai moral yang diingini dan untuk menyampaikan pengetahuan.

Sumber: Peraturan-Peraturan Pendidikan (Kurikulum Kebangsaan) 1997  
[PU(A)531/97.]



## **PENGANTAR**

Kurikulum Standard Sekolah Rendah (KSSR) yang dilaksanakan secara berperingkat mulai tahun 2011 telah disemak semula bagi memenuhi dasar baharu di bawah Pelan Pembangunan Pendidikan Malaysia (PPPM) 2013-2025 supaya kualiti kurikulum yang dilaksanakan di sekolah rendah setanding dengan standard antarabangsa. Kurikulum berasaskan standard yang menjadi amalan antarabangsa telah dijemakan dalam KSSR menerusi penggubalan Dokumen Standard Kurikulum dan Pentaksiran (DSKP) untuk semua mata pelajaran yang mengandungi Standard Kandungan, Standard Pembelajaran dan Standard Prestasi.

Usaha memasukkan standard pentaksiran di dalam dokumen kurikulum telah mengubah lanskap sejarah sejak Kurikulum Kebangsaan dilaksanakan di bawah Sistem Pendidikan Kebangsaan. Menerusinya murid dapat ditaksir secara berterusan untuk mengenal pasti tahap penguasaannya dalam sesuatu mata pelajaran, serta membolehkan guru membuat tindakan susulan bagi mempertingkatkan pencapaian murid.

DSKP yang dihasilkan juga telah menyepadukan enam tunjang Kerangka KSSR, mengintegrasikan pengetahuan, kemahiran dan

dan nilai, serta memasukkan secara eksplisit Kemahiran Abad Ke-21 dan Kemahiran Berfikir Aras Tinggi (KBAT).

Penyepaduan tersebut dilakukan untuk melahirkan insan seimbang dan harmonis dari segi intelek, rohani, emosi dan jasmani sebagaimana tuntutan Falsafah Pendidikan Kebangsaan.

Bagi menjayakan pelaksanaan KSSR, pengajaran dan pembelajaran guru perlu memberi penekanan kepada KBAT dengan memberi fokus kepada pendekatan Pembelajaran Berasaskan Inkuiri dan Pembelajaran Berasaskan Projek, supaya murid dapat menguasai kemahiran yang diperlukan dalam abad ke-21.

Kementerian Pendidikan Malaysia merakamkan setinggi-tinggi penghargaan dan ucapan terima kasih kepada semua pihak yang terlibat dalam penggubalan KSSR. Semoga pelaksanaan KSSR akan mencapai hasrat dan matlamat Sistem Pendidikan Kebangsaan.

**HAJI AZMAN BIN HAJI ADNAN**  
Pengarah  
Bahagian Pembangunan Kurikulum  
Kementerian Pendidikan Malaysia



## PENDAHULUAN

Mata pelajaran Pendidikan Moral bertujuan untuk mendidik murid supaya menjadi insan yang bermoral dan berakhlak mulia dengan menekankan aspek perkembangan penaakulan moral, emosi moral dan perlakuan moral. Mata pelajaran ini diharap dapat menghasilkan murid yang berpengetahuan, berperwatakan mulia, dan mengutamakan perpaduan serta bersemangat patriotik ke arah menyumbang secara produktif terhadap diri, keluarga, masyarakat dan negara.

Kurikulum mata pelajaran ini direalisasikan melalui DSKP yang merupakan dokumen wajib yang perlu dirujuk oleh guru untuk merancang dan mentaksir pengajaran dan pembelajaran (PdP). Guru perlu merancang bagi menterjemahkan DSKP ini dengan bijak supaya PdP lebih berkesan dan menarik. Di samping itu, guru perlu memahami tahap penguasaan yang digariskan dalam DSKP ini dan sentiasa memastikan tahap-tahap penguasaan ini dikuasai oleh murid.

Kurikulum ini juga memberi tumpuan kepada usaha memupuk kerohanian dan moraliti murid. Kurikulum ini memberi penekanan

kepada pemahaman, penghayatan dan amalan nilai universal yang terdapat dalam agama, tradisi dan adat resam pelbagai kaum. Kurikulum ini juga turut menyediakan satu panduan hidup kepada murid untuk membuat keputusan dan tindakan yang membolehkan mereka melaksanakan tanggungjawab moral dan sosial terhadap keluarga, sekolah, jiran, masyarakat dan negara.

DSKP ini juga menekankan pemikiran aras tinggi dan kemahiran lain yang perlu dikuasai oleh murid bagi menyediakan mereka menghadapi cabaran dalam abad ke-21. Penguasaan pemikiran aras tinggi dan kemahiran lain akan membantu murid membina daya tahan diri dengan berkeyakinan dan bertanggungjawab dalam kehidupan harian. Manakala pelbagai strategi PdP turut disarankan kepada guru bagi memastikan murid menguasai kurikulum Pendidikan Moral dengan lebih bermakna. DSKP Pendidikan Moral ini juga menekankan pemahaman tentang nilai perpaduan dan hubungan baik sesama insan demi melahirkan warganegara yang sejahtera dan harmonis.

**MATLAMAT**

KSSR Pendidikan Moral bermatlamat membentuk insan berakhlak mulia dan berintegriti yang berpegang kepada nilai universal berasaskan prinsip moral dan menyumbang ke arah perpaduan dan kesejahteraan negara serta masyarakat global.

**OBJEKTIF**


KSSR Pendidikan Moral bertujuan untuk membolehkan murid mencapai objektif berikut:

1. Mengetahui dan memahami nilai universal.
2. Menghayati dan mengamalkan budi pekerti mulia dalam kehidupan harian.
3. Melaksanakan tanggungjawab moral dan sosial bagi mengekalkan kesejahteraan diri, keluarga, sekolah, jiran, masyarakat dan negara.
4. Mengembangkan kemahiran penaakulan moral, emosi moral dan perlakuan moral dalam membuat pertimbangan dan keputusan yang berpegang kepada peraturan masyarakat dan nilai universal yang berasaskan prinsip moral.
5. Mengeratkan hubungan yang baik dengan masyarakat ke arah memperkukuh perpaduan negara.
6. Berintegriti terhadap diri, keluarga, sekolah, jiran, masyarakat, negara dan masyarakat global.

## KERANGKA KURIKULUM STANDARD SEKOLAH RENDAH

KSSR dibina berasaskan enam tunjang, iaitu Komunikasi; Kerohanian, Sikap dan Nilai; Kemanusiaan; Keterampilan Diri; Perkembangan Fizikal dan Estetika; serta Sains dan Teknologi. Enam tunjang tersebut merupakan domain utama yang menyokong antara satu sama lain dan disepadukan dengan pemikiran kritis, kreatif dan inovatif. Kesepaduan ini bertujuan

membangunkan modal insan yang menghayati nilai murni berteraskan keagamaan, berpengetahuan, berketerampilan, berpemikiran kritis dan kreatif serta inovatif sebagaimana yang digambarkan dalam Rajah 1. Kurikulum Pendidikan Moral digubal berdasarkan enam tunjang Kerangka KSSR.



Rajah 1: Kerangka Kurikulum Standard Sekolah Rendah


## FOKUS

Fokus KSSR Pendidikan Moral adalah untuk membentuk insan yang berakhlak mulia. Pembentukan insan yang berakhlak mulia ini dapat direalisasikan dengan menerapkan tiga domain moral iaitu penaakulan moral, emosi moral dan perlakuan moral dalam kalangan murid.

Domain penaakulan moral membolehkan murid berfikir sebelum bertindak. Emosi moral pula akan memotivasikan murid untuk membuat perlakuan moral. Dengan ini, perlakuan moral seorang murid akan menjurus ke arah insan yang berakhlak mulia.

Domain moral ini juga akan mendorong murid membuat pertimbangan moral (*moral judgement*) yang sesuai, tepat dan konsisten. Pertimbangan moral merupakan aspek utama dalam pembentukan moral yang membolehkan murid mengambil sesuatu tindakan berasaskan kepada peraturan atau nilai universal.

Rajah 2 berikut menunjukkan hubungan antara penaakulan moral, emosi moral dan perlakuan moral yang boleh membentuk insan yang berakhlak mulia.



Rajah 2: Hubungan antara Penaakulan Moral, Emosi Moral dan Perlakuan Moral



Pembentukan insan yang berakhlak mulia seperti yang diharapkan dalam matlamat kurikulum Pendidikan Moral boleh dicapai dengan mengintegrasikan ketiga-tiga domain berikut:

### **Penaakulan Moral**

Keupayaan mental untuk menaakul dalam situasi yang kabur atau berkonflik nilai demi mengenal pasti perlakuan baik atau benar dan perlakuan jahat atau salah. Kemampuan berfikir mengenai kesan dan akibat dalam penyelesaian masalah atau isu moral sebaik mungkin secara autonomi, rasional dan objektif berdasarkan kepada prinsip moral.

### **Emosi Moral**

Kesedaran emosi moral melahirkan kepedulian dan hati nurani yang menyebabkan insan berasa gembira apabila membuat sesuatu yang betul dan rasa bersalah jika melakukan sesuatu yang tidak betul. Emosi moral melahirkan motivasi moral dan niat untuk bertindak berdasarkan empati dan simpati terhadap diri dan orang lain. Emosi moral ini boleh diekspresikan dalam bentuk luahan perasaan, fikiran, gerak geri dan sebagainya.

### **Perlakuan Moral**

Perlakuan moral adalah tindakan moral berkaitan antara penaakulan moral dan emosi moral. Ia dilakukan secara rela hati dengan rasa bertanggungjawab, akauntabiliti dan berintegriti moral.

Ketiga-tiga domain tersebut perlu dikembangkan bersama dengan penerapan nilai universal untuk membantu murid membuat keputusan yang rasional dalam menyelesaikan permasalahan moral. Sehubungan itu, ketiga-tiga domain tersebut perlu diaplikasikan bersama dengan 14 nilai universal yang menjadi wahana bagi menghasilkan insan yang berakhlak mulia. Nilai universal tersebut merupakan nilai murni yang diterima oleh masyarakat Malaysia dan menepati anutan agama atau kepercayaan masyarakat Malaysia.

Guru Pendidikan Moral perlu menjalankan PdP yang dapat memupuk dan menyemai nilai tersebut dalam kalangan murid sekolah rendah. Dengan itu, murid yang mempelajari Pendidikan Moral dapat mengamalkan nilai tersebut dalam kehidupan harian. Nilai tersebut adalah seperti yang terkandung dalam Jadual 1.

Jadual 1: Nilai universal bagi KSSR Pendidikan Moral

NILAI	MAKSUD NILAI
<b>Kepercayaan kepada Tuhan</b>	Keyakinan wujudnya Tuhan sebagai pencipta alam dan mematuhi segala ajaran berlandaskan pegangan agama atau kepercayaan masing-masing selaras dengan prinsip Rukun Negara.
<b>Baik Hati</b>	Kepekaan terhadap keperluan dan kebajikan diri, dan orang lain dengan memberi bantuan serta sokongan moral secara ikhlas.
<b>Bertanggungjawab</b>	Kesanggupan diri seseorang untuk memikul dan melaksanakan tugas serta kewajipan dengan sempurna.
<b>Berterima Kasih</b>	Perasaan dan perlakuan untuk menunjukkan pengiktirafan dan penghargaan.
<b>Hemah Tinggi</b>	Beradab sopan dan berbudi pekerti mulia.
<b>Hormat</b>	Menghargai dan memuliakan seseorang serta menghormati peraturan institusi sosial.
<b>Kasih Sayang</b>	Kepekaan dan perasaan cinta yang lahir daripada hati yang ikhlas.

NILAI	MAKSUD NILAI
<b>Keadilan</b>	Tindakan dan keputusan yang tidak berat sebelah.
<b>Keberanian</b>	Kesanggupan untuk menghadapi cabaran dengan yakin dan tabah.
<b>Kejujuran</b>	Bercakap benar, bersikap amanah dan ikhlas dalam setiap perlakuan.
<b>Kerajinan</b>	Usaha yang berterusan, bersungguh-sungguh dan berdedikasi dalam melakukan sesuatu.
<b>Kerjasama</b>	Melakukan sesuatu bersama-sama untuk kebaikan semua.
<b>Kesederhanaan</b>	Bersikap tidak keterlaluan dalam membuat pertimbangan atau perlakuan tanpa mengabaikan kepentingan diri dan orang lain.
<b>Toleransi</b>	Bertolak ansur, sabar dan mengawal diri demi kesejahteraan hidup diri dan orang lain.

Di samping itu, elemen perpaduan turut diterjemahkan secara eksplisit dalam kurikulum Pendidikan Moral. Elemen ini dijemakan melalui tiga konstruk utama perpaduan iaitu menerima, menghormati dan mengurus kepelbagaian. Setiap konstruk utama mempunyai subkonstruk yang perlu dipupuk dalam kalangan murid.

Subkonstruk menerima kepelbagaian merujuk kepada murid yang boleh bersikap terbuka, bertoleransi, percaya dan sanggup bekerjasama walaupun berbeza agama, bangsa, budaya dan bahasa. Subkonstruk menghormati kepelbagaian pula merujuk kepada murid yang boleh mengamalkan sikap atau tingkah laku yang berhemah tinggi, menghargai dan prihatin walaupun berbeza agama, bangsa, budaya dan bahasa. Seterusnya subkonstruk mengurus kepelbagaian merujuk kepada murid yang boleh mengamalkan sikap atau tingkah laku yang amanah, adil dan rasional walaupun berbeza agama, bangsa, budaya dan bahasa.

Guru hendaklah menyesuaikan elemen perpaduan ini secara langsung atau sisipan dengan nilai atau tajuk yang berkaitan tanpa mengubah disiplin ilmu dan kandungan moral mata pelajaran ini.

**KEMAHIRAN ABAD KE-21**

Satu daripada hasrat KSSR adalah untuk melahirkan murid yang mempunyai Kemahiran Abad Ke-21 dengan memberi fokus kepada kemahiran berfikir serta kemahiran hidup dan kerjaya yang berteraskan amalan nilai murni. Kemahiran Abad Ke-21 bermatlamat untuk melahirkan murid yang mempunyai ciri-ciri yang dinyatakan dalam profil murid seperti dalam Jadual 2 supaya berupaya bersaing di peringkat global. Penguasaan Standard Kandungan (SK) dan Standard Pembelajaran (SP) dalam kurikulum Pendidikan Moral menyumbang kepada pemerolehan Kemahiran Abad Ke-21 dalam kalangan murid.

Jadual 2: Profil Murid

PROFIL MURID	PENERANGAN
<b>Berdaya Tahan</b>	Mereka mampu menghadapi dan mengatasi kesukaran, mengatasi cabaran dengan kebijaksanaan, keyakinan, toleransi, dan empati.
<b>Mahir Berkomunikasi</b>	Mereka menyuarakan dan meluahkan fikiran, idea dan maklumat dengan yakin dan kreatif secara lisan dan bertulis, menggunakan pelbagai media dan teknologi.

PROFIL MURID	PENERANGAN
<b>Pemikir</b>	Mereka berfikir secara kritikal, kreatif dan inovatif; mampu untuk menangani masalah yang kompleks dan membuat keputusan yang beretika. Mereka berfikir tentang pembelajaran dan diri mereka sebagai murid. Mereka menjana soalan dan bersifat terbuka kepada perspektif, nilai dan tradisi individu dan masyarakat lain. Mereka berkeyakinan dan kreatif dalam menangani bidang pembelajaran yang baharu.
<b>Kerja Sepasukan</b>	Mereka boleh bekerjasama secara berkesan dan harmoni dengan orang lain. Mereka menggalas tanggungjawab bersama serta menghormati dan menghargai sumbangan yang diberikan oleh setiap ahli pasukan. Mereka memperoleh kemahiran interpersonal melalui aktiviti kolaboratif, dan ini menjadikan mereka pemimpin dan ahli pasukan yang lebih baik.
<b>Bersifat Ingin Tahu</b>	Mereka membangunkan rasa ingin tahu semula jadi untuk meneroka strategi dan idea baharu. Mereka mempelajari kemahiran yang diperlukan untuk menjalankan inkuiri dan penyelidikan, serta menunjukkan sifat berdikari dalam pembelajaran. Mereka menikmati pengalaman pembelajaran sepanjang hayat secara berterusan.

PROFIL MURID	PENERANGAN
<b>Berprinsip</b>	Mereka berintegriti dan jujur, kesamarataan, adil dan menghormati maruah individu, kumpulan dan komuniti. Mereka bertanggungjawab atas tindakan, akibat tindakan serta keputusan mereka.
<b>Bermaklumat</b>	Mereka mendapatkan pengetahuan dan membentuk pemahaman yang luas dan seimbang merentasi pelbagai disiplin pengetahuan. Mereka meneroka pengetahuan dengan cekap dan berkesan dalam konteks isu tempatan dan global. Mereka memahami isu-isu etika/ undang-undang berkaitan maklumat yang diperolehi.
<b>Penyayang/ Prihatin</b>	Mereka menunjukkan empati, belas kasihan dan rasa hormat terhadap keperluan dan perasaan orang lain. Mereka komited untuk berkhidmat kepada masyarakat dan memastikan kelestarian alam sekitar.
<b>Patriotik</b>	Mereka mempamerkan kasih sayang, sokongan dan rasa hormat terhadap negara.

## KEMAHIRAN BERFIKIR ARAS TINGGI

KBAT dinyatakan dalam kurikulum secara eksplisit supaya guru dapat menterjemahkan dalam pengajaran dan pembelajaran bagi merangsang pemikiran berstruktur dan berfokus dalam kalangan murid. Penerangan KBAT adalah berfokus kepada empat tahap pemikiran seperti Jadual 3.

Jadual 3: Tahap Pemikiran dalam KBAT

TAHAP PEMIKIRAN	PENERANGAN
<b>Mengaplikasi</b>	Menggunakan pengetahuan, kemahiran, dan nilai dalam situasi berlainan untuk melaksanakan sesuatu perkara.
<b>Menganalisis</b>	Mencerakinkan maklumat kepada bahagian kecil untuk memahami dengan lebih mendalam serta hubung kait antara bahagian berkenaan.
<b>Menilai</b>	Membuat pertimbangan dan keputusan menggunakan pengetahuan, pengalaman, kemahiran dan nilai serta memberi justifikasi.
<b>Mencipta</b>	Menghasilkan idea, produk atau kaedah yang kreatif dan inovatif.

KBAT ialah keupayaan untuk mengaplikasikan pengetahuan, kemahiran dan nilai dalam membuat penaaakulan dan refleksi bagi

menyelesaikan masalah, membuat keputusan, berinovasi dan berupaya mencipta sesuatu. KBAT merangkumi kemahiran berfikir kritis, kreatif dan menaakul serta strategi berfikir.

**Kemahiran berfikir kritis** adalah kebolehan untuk menilai sesuatu idea secara logik dan rasional untuk membuat pertimbangan yang wajar dengan menggunakan alasan dan bukti yang munasabah.

**Kemahiran berfikir kreatif** adalah kemampuan untuk menghasilkan atau mencipta sesuatu yang baharu dan bernilai dengan menggunakan daya imaginasi secara asli serta berfikir tidak mengikut kelaziman.

**Kemahiran menaakul** adalah keupayaan individu membuat pertimbangan dan penilaian secara logik dan rasional.

**Strategi berfikir** merupakan cara berfikir yang berstruktur dan berfokus untuk menyelesaikan masalah.

KBAT boleh diaplikasi dalam bilik darjah melalui aktiviti berbentuk menaakul, pembelajaran inkuiri, penyelesaian masalah dan projek. Guru dan murid perlu menggunakan alat berfikir seperti peta pemikiran dan peta minda serta penyoalan aras tinggi untuk menggalakkan murid berfikir.

## STRATEGI PENGAJARAN DAN PEMBELAJARAN

KSSR Pendidikan Moral menggalakkan murid menyertai secara aktif dan interaktif dalam proses PdP. Penyertaan murid secara aktif dan interaktif dalam PdP adalah usaha untuk membentuk insan yang menyeluruh. Ini akan memberi peluang kepada murid untuk menyual, berkomunikasi dan berinteraksi antara satu sama lain sewaktu memberi pendapat atau berkongsi idea. Seterusnya, membolehkan murid memahami, mengkaji peranan serta tanggungjawab mereka sebagai warganegara Malaysia dan global.

Antara strategi PdP yang dicadangkan dalam KSSR Pendidikan Moral adalah seperti Pembelajaran Aktif, Pembelajaran Penyelesaian Masalah, Pembelajaran Khidmat Masyarakat dan Pembelajaran Berasaskan Projek.

### **Pembelajaran Aktif**

Pembelajaran Aktif dalam Pendidikan Moral akan membolehkan murid memahami peranan dan tanggungjawabnya sebagai seorang ahli yang berkesan dalam pelbagai kumpulan sosial seperti keluarga, sekolah, rakan, komuniti tempatan, agama, negara dan global. Ini adalah kerana Pembelajaran Aktif melibatkan penyertaan murid dalam proses pembelajaran

*hands-on* dan *minds-on*. Melalui pembelajaran ini, murid akan diberi peluang untuk mengembangkan kemahiran dan nilai ke arah melahirkan modal insan secara menyeluruh.

Terdapat pelbagai aktiviti Pembelajaran Aktif yang boleh digunakan dalam PdP Pendidikan Moral seperti perbincangan atau kerja kumpulan kecil, sumbang saran, main peranan, simulasi, debat dan forum.

### **Pembelajaran Penyelesaian Masalah**

Dalam era globalisasi pada abad ke-21 ini, perubahan dan kompleksiti sentiasa berlaku dalam komuniti tempatan, kebangsaan dan global. Murid Pendidikan Moral akan menghadapi pelbagai cabaran untuk menyelesaikan masalah sama ada secara peribadi atau sosial. Pembelajaran ini penting bagi membimbing murid Pendidikan Moral dalam kemahiran penyelesaian masalah, sama ada kepada diri sendiri atau persekitarannya. Ini adalah kerana masalah moral yang akan dikaji dan keputusan yang akan diambil lebih bermakna serta relevan dan boleh diaplikasikan dalam kehidupannya. Secara amnya, Pembelajaran Penyelesaian Masalah dalam Pendidikan Moral akan melibatkan murid mencari

jawapan kepada sesuatu permasalahan moral mengenai peranan dan tanggungjawab diri melalui proses inkuiri yang berikut:

- Mengenal pasti dan menghuraikan sesuatu masalah.
- Menentukan pelbagai alternatif untuk menyelesaikan masalah dengan mengambil kira fakta, pandangan dan perasaan watak yang terlibat.
- Memilih strategi yang sesuai untuk menyelesaikan masalah seperti *Theory of Constraints (TOC)*, peta minda, sebab dan akibat; dan konflik resolusi.
- Menguji keputusan tentatif yang dipilih dengan mengumpul dan menilai maklumat yang relevan dengan masalah.
- Membuat keputusan muktamad atau mengubah suai langkah atau strategi yang telah diambil.

Pembelajaran Penyelesaian Masalah secara aktif dalam Pendidikan Moral akan menjadikan asas kepada murid untuk memahami dan menangani perubahan yang berlaku di dalam kehidupan dan persekitarannya dengan bertanggungjawab dan berkesan. Terdapat pelbagai aktiviti Pembelajaran Penyelesaian Masalah yang boleh digunakan dalam PdP Pendidikan Moral seperti:

- Debat
- Panel juri
- Penyooalan
- Perbincangan berkumpulan
- Peta minda atau penyusunan grafik
- Perundingan meja bulat

- Main peranan

### **Pembelajaran Khidmat Masyarakat**

Pembelajaran Khidmat Masyarakat akan menggalakkan murid menyertai secara aktif dalam sesuatu projek komuniti. Melalui pembelajaran ini, murid dapat mengaplikasikan pengetahuan, kemahiran dan nilai dalam menyelesaikan masalah sosial yang berlaku di sekolah, komuniti, negara dan global.

Melalui Pembelajaran Khidmat Masyarakat ini, murid akan menjalankan tanggungjawab dan kepemimpinan semasa aktiviti bersama masyarakat. Mereka juga akan mengamalkan nilai moral dan kemahiran sosial dalam memberikan sumbangan kepada masyarakat. Melalui Pembelajaran Khidmat Masyarakat, murid akan mempelajari secara aktif dan interaktif bagaimana menjadi seorang individu yang bertanggungjawab dan menyumbang ke arah kesejahteraan masyarakat.

Pembelajaran Khidmat Masyarakat memerlukan sokongan dan penglibatan ibu bapa serta komuniti tempatan. Oleh itu, guru Pendidikan Moral perlu mewujudkan jalinan *partnership* atau kolaborasi dengan agensi-agensi komuniti tempatan supaya memudahkan penyertaan murid dalam aktiviti kemasyarakatan.



Terdapat pelbagai aktiviti Pembelajaran Khidmat Masyarakat yang boleh digunakan dalam PdP Pendidikan Moral seperti berikut:

- Memberi perkhidmatan secara langsung seperti melakukan gotong-royong di kawasan tempat tinggal, membantu warga sekolah membersihkan taman sekolah atau membantu penghuni di rumah orang tua.
- Memberi perkhidmatan secara tidak langsung seperti membantu sesebuah organisasi yang bertanggungjawab dalam perkhidmatan seperti mengutip derma bagi mangsa bencana alam.
- Mengambil tindakan secara bersama dengan komuniti seperti menulis surat atau aduan kepada pihak tertentu supaya menyediakan kemudahan awam yang sesuai untuk golongan kurang bernasib baik.

### **Pembelajaran Berasaskan Projek**

PdP Pendidikan Moral adalah berpusatkan murid dan ia dapat memupuk perlakuan moral murid secara implisit dengan pelbagai kaedah pembelajaran. Pembelajaran Berasaskan Projek dalam Pendidikan Moral merupakan satu proses pembelajaran yang berfokuskan tugas amali secara sistematik atau terancang dalam jangka masa yang tertentu. Pembelajaran ini biasanya melibatkan kutipan dan analisis data untuk persediaan satu

laporan projek. Pembelajaran Berasaskan Projek bukan sahaja mampu menjadikan PdP Pendidikan Moral menjadi lebih berkesan tetapi juga menarik dan menyeronokkan.

Dalam melaksanakan Pembelajaran Berasaskan Projek ini, murid diberi tugas tertentu sama ada secara individu atau kumpulan dan mengikut tahap kebolehan mereka. Murid perlu mendapatkan maklumat daripada pelbagai sumber untuk menyiapkan projek yang diberi oleh guru. Semasa proses menyiapkan tugas, guru hendaklah sentiasa membimbing dan memberi konsultasi kepada murid.

Dalam Pembelajaran Berasaskan Projek ini juga, guru perlu memantau proses penyediaan projek murid secara berterusan. Proses Pembelajaran Berasaskan Projek dalam Pendidikan Moral melibatkan empat tahap iaitu mengumpul maklumat, memproses maklumat, melaporkan hasil projek dan refleksi sendiri. Guru Pendidikan Moral hendaklah memastikan mereka mudah dihubungi oleh murid pada setiap masa bagi membantu murid menyiapkan projek tersebut.

Guru haruslah memastikan bahawa projek atau tugas yang diberikan kepada murid boleh memupuk tiga domain Pendidikan Moral iaitu penaaakuan moral, emosi moral dan perlakuan moral. Bagi tujuan tersebut, guru digalakkan untuk menggunakan cadangan aktiviti yang terkandung dalam DSKP Pendidikan Moral.

## ELEMEN MERENTAS KURIKULUM

Elemen Merentas Kurikulum (EMK) ialah unsur nilai tambah yang diterapkan dalam proses PdP selain yang ditetapkan dalam SK. Elemen ini diterapkan bertujuan mengukuhkan kemahiran dan keterampilan modal insan yang dihasratkan serta dapat menangani cabaran semasa dan masa hadapan. Elemen di dalam EMK adalah seperti berikut:

### 1. Bahasa

- Penggunaan bahasa pengantar yang betul perlu dititikberatkan dalam semua mata pelajaran.
- Semasa PdP bagi setiap mata pelajaran, aspek sebutan, struktur ayat, tatabahasa, istilah dan laras bahasa perlu diberi penekanan bagi membantu murid menyusun idea dan berkomunikasi secara berkesan.

### 2. Kelestarian Alam Sekitar

- Kesedaran mencintai dan menyayangi alam sekitar dalam jiwa murid perlu dipupuk melalui PdP semua mata pelajaran.
- Pengetahuan dan kesedaran terhadap kepentingan alam sekitar dalam membentuk etika murid untuk menghargai alam.

### 3. Nilai Murni

- Nilai murni diberi penekanan dalam semua mata pelajaran supaya murid sedar akan kepentingan dan mengamalkannya.
- Nilai murni merangkumi aspek kerohanian, kemanusiaan dan kewarganegaraan yang menjadi amalan dalam kehidupan harian.

### 4. Sains dan Teknologi

- Menambahkan minat terhadap sains dan teknologi dapat meningkatkan literasi sains serta teknologi dalam kalangan murid.
- Penggunaan teknologi dalam pengajaran dapat membantu serta menyumbang kepada pembelajaran yang lebih cekap dan berkesan.
- Pengintegrasian Sains dan Teknologi dalam PdP merangkumi empat perkara iaitu:
  - (i) Pengetahuan sains dan teknologi (fakta, prinsip, konsep yang berkaitan dengan sains dan teknologi);
  - (ii) Kemahiran saintifik (proses pemikiran dan kemahiran manipulatif tertentu);

- (iii) Sikap saintifik (seperti ketepatan, kejujuran, keselamatan); dan
- (iv) Penggunaan teknologi dalam aktiviti PdP.

## 5. Patriotisme

- Semangat patriotik dapat dipupuk melalui semua mata pelajaran, aktiviti kokurikulum dan khidmat masyarakat.
- Semangat patriotik dapat melahirkan murid yang mempunyai semangat cintakan negara dan berbangga sebagai rakyat Malaysia.

## 6. Kreativiti dan Inovasi

- Kreativiti adalah kebolehan menggunakan imaginasi untuk mengumpul, mencerna dan menjana idea atau mencipta sesuatu yang baharu atau asli melalui ilham atau gabungan idea yang ada.
- Inovasi merupakan pengaplikasian kreativiti melalui ubah suaian, membaiki dan mempraktikkan idea.
- Kreativiti dan inovasi saling bergandingan dan perlu untuk memastikan pembangunan modal insan yang mampu menghadapi cabaran abad ke-21.
- Elemen kreativiti dan inovasi perlu diintegrasikan dalam PdP.

## 7. Keusahawanan

- Penerapan elemen keusahawanan bertujuan membentuk ciri dan amalan keusahawanan sehingga menjadi satu budaya dalam kalangan murid.
- Ciri keusahawanan boleh diterapkan dalam PdP melalui aktiviti yang mampu memupuk sikap seperti rajin, jujur, amanah dan bertanggungjawab serta membangunkan minda kreatif dan inovatif untuk memacu idea ke pasaran.

## 8. Teknologi Maklumat dan Komunikasi

- Penerapan elemen Teknologi Maklumat dan Komunikasi (TMK) dalam PdP memastikan murid dapat mengaplikasi dan mengukuhkan pengetahuan dan kemahiran asas TMK yang dipelajari.
- Pengaplikasian TMK bukan sahaja mendorong murid menjadi kreatif malah menjadikan PdP lebih menarik dan menyeronokkan serta meningkatkan kualiti pembelajaran.
- TMK diintegrasikan mengikut kesesuaian topik yang hendak diajar dan sebagai pengupaya bagi meningkatkan lagi kefahaman murid terhadap kandungan mata pelajaran.

- Salah satu penekanan dalam TMK adalah pemikiran komputasional yang boleh diaplikasikan dalam semua mata pelajaran. Pemikiran komputasional merupakan satu kemahiran untuk menggunakan konsep penaakulan logik, algoritma, leraian, pengecaman corak, peniskalaan dan penilaian dalam proses menyelesaikan masalah berbantuan komputer.

## 9. Kelestarian Global

- Elemen Kelestarian Global bermatlamat melahirkan murid berdaya fikir lestari yang bersikap responsif terhadap persekitaran dalam kehidupan harian dengan mengaplikasi pengetahuan, kemahiran dan nilai yang diperolehi melalui elemen Penggunaan dan Pengeluaran Lestari, Kewarganegaraan Global dan Perpaduan.
- Elemen Kelestarian Global penting dalam menyediakan murid bagi menghadapi cabaran dan isu semasa di peringkat tempatan, negara dan global.
- Elemen ini diajar secara langsung dan secara sisipan dalam mata pelajaran yang berkaitan.

## 10. Pendidikan Kewangan

- Penerapan elemen Pendidikan Kewangan bertujuan membentuk generasi masa hadapan yang berkeupayaan membuat keputusan kewangan yang bijak, mengamalkan pengurusan kewangan yang beretika serta berkemahiran menguruskan hal ehwal kewangan secara bertanggungjawab.
- Elemen Pendidikan Kewangan boleh diterapkan dalam PdP secara langsung ataupun secara sisipan. Penerapan secara langsung adalah melalui tajuk-tajuk seperti Wang yang mengandungi elemen kewangan secara eksplisit seperti pengiraan faedah mudah dan faedah kompaun. Penerapan secara sisipan pula diintegrasikan melalui tajuk-tajuk lain merentas kurikulum. Pendedahan kepada pengurusan kewangan dalam kehidupan sebenar adalah penting bagi menyediakan murid dengan pengetahuan, kemahiran dan nilai yang dapat diaplikasikan secara berkesan dan bermakna.

## PENTAKSIRAN BILIK DARJAH

Pentaksiran Bilik Darjah (PBD) merupakan proses mendapatkan maklumat tentang perkembangan murid yang dirancang, dilaksana dan dilapor oleh guru yang berkenaan. Proses ini berlaku berterusan bagi membolehkan guru menentukan tahap penguasaan murid.

PBD boleh dilaksanakan oleh guru secara formatif dan sumatif. Pentaksiran secara formatif dilaksanakan seiring dengan proses PdP, manakala pentaksiran secara sumatif dilaksanakan pada akhir sesuatu unit pembelajaran, penggal, semester atau tahun. Guru perlulah merancang, membina item atau instrumen pentaksiran, mentadbir, memeriksa, merekod dan melapor tahap penguasaan yang diajar berdasarkan DSKP.

Dalam usaha memastikan pentaksiran membantu meningkatkan keupayaan dan penguasaan murid, guru haruslah melaksanakan pentaksiran yang mempunyai ciri-ciri berikut:

- Menggunakan pelbagai kaedah pentaksiran seperti pemerhatian, lisan dan penulisan.
- Menggunakan pelbagai strategi pentaksiran yang boleh dilaksanakan oleh guru dan murid.
- Mengambil kira pelbagai aras pengetahuan dan kemahiran yang dipelajari.

- Membolehkan murid mempamerkan pelbagai keupayaan pembelajaran.
- Mentaksir tahap penguasaan murid berdasarkan SP dan Standard Prestasi (SPi).
- Mengambil tindakan susulan bagi tujuan pemulihan dan pengukuhan.

## TAHAP PENGUSAAN UMUM

Tahap penguasaan merupakan satu bentuk pernyataan pencapaian yang menunjukkan perkembangan pembelajaran murid. Terdapat enam tahap penguasaan yang menunjukkan aras penguasaan yang disusun secara hierarki. Tahap penguasaan ini mengambil kira pengetahuan, kemahiran dan nilai yang ditetapkan dalam kurikulum. Jadual 4 menunjukkan pernyataan tahap penguasaan umum.

Jadual 4: Penyataan Tahap Penguasaan Umum

TAHAP	TAFSIRAN
1 (Tahu)	Murid tahu perkara asas atau boleh melakukan kemahiran asas atau memberi respons terhadap perkara yang asas
2 (Tahu dan faham)	Murid menunjukkan kefahaman dengan menjelaskan sesuatu perkara yang dipelajari dalam bentuk komunikasi
3 (Tahu, faham dan boleh buat)	Murid menggunakan pengetahuan untuk melaksanakan sesuatu kemahiran pada suatu situasi
4 (Tahu, faham dan boleh buat dengan beradab)	Murid menggunakan pengetahuan dan melaksanakan sesuatu kemahiran dengan beradab iaitu mengikut prosedur atau secara analitik dan sistematik
5 (Tahu, faham dan boleh buat dengan beradab terpuji)	Murid menggunakan pengetahuan dan melaksanakan sesuatu kemahiran pada situasi baharu dengan mengikut prosedur atau secara sistematik serta tekal dan bersikap positif
6 (Tahu, faham dan boleh buat dengan beradab mithali)	Murid berupaya menggunakan pengetahuan dan kemahiran sedia ada untuk digunakan pada situasi baharu secara sistematik, bersikap positif, kreatif dan inovatif dalam penghasilan idea baharu serta boleh dicontohi

Guru boleh mencatat perkembangan murid di dalam buku rekod mengajar, buku latihan, buku catatan, senarai semak, jadual atau lain-lain yang sesuai. Perekodan tahap penguasaan dibuat ke dalam templat pelaporan yang disediakan setelah PdP bagi setiap bidang, tema, kemahiran atau kelompok SK dan SP selesai dilaksanakan.

## TAHAP PENGUASAAN KESELURUHAN

Tahap Penguasaan Keseluruhan bagi mata pelajaran Pendidikan Moral perlu ditentukan pada setiap akhir tahun. Tahap Penguasaan Keseluruhan ini merangkumi aspek pengetahuan, kemahiran dan nilai. Guru perlu mentaksir murid secara kolektif dan holistik dengan melihat semua aspek semasa proses pembelajaran yang meliputi domain penaakulan moral, emosi moral dan perlakuan moral. Guru hendaklah menggunakan pertimbangan profesional dalam semua proses pentaksiran, khususnya dalam menentukan tahap penguasaan keseluruhan. Pertimbangan profesional boleh dilakukan berdasarkan pengetahuan dan pengalaman guru, interaksi guru bersama murid, serta perbincangan bersama rakan sejawat. Bagi menentukan tahap penguasaan keseluruhan Pendidikan Moral, guru perlu merujuk pernyataan tahap penguasaan yang terdapat dalam Jadual 5.

Jadual 5: Pernyataan Tahap Penguasaan Keseluruhan Pendidikan Moral

TAHAP PENGUASAAN	TAFSIRAN
1	Mengetahui perkara asas berkaitan dengan nilai yang dipelajari.
2	Memahami dan memberi maklum balas berkaitan dengan nilai yang dipelajari.
3	Menghubungkait dan mengaplikasi nilai yang dipelajari.
4	Mengenal pasti dan mempamerkan emosi berkaitan dengan nilai yang dipelajari.
5	Menghayati dan melaksanakan nilai yang dipelajari dalam kehidupan harian.
6	Menghayati dan mengamalkan nilai yang dipelajari secara tekal serta boleh dicontohi.

Pentaksiran bagi mata pelajaran Pendidikan Moral lebih menekankan kepada usaha ke arah penambahbaikan serta perkembangan dan bukan pencapaian kognitif semata-mata. Pentaksiran tersebut boleh melibatkan orang lain seperti rakan sebaya, anggota keluarga dan komuniti mengikut kesesuaian. Pengumpulan maklumat daripada pelbagai sumber dan aktiviti akan menghasilkan dapatan yang mempunyai kesahan bagi membantu guru membuat keputusan yang lebih jelas.

## ORGANISASI KANDUNGAN

Pelaksanaan KSSR Pendidikan Moral adalah mengikut Surat Pekeliling Ikhtisas yang berkuatkuasa sekarang. Peruntukan masa minimum bagi mata pelajaran Pendidikan Moral adalah minimum 96 jam setahun bagi sekolah kebangsaan dan 80 jam setahun bagi sekolah jenis kebangsaan. KSSR Pendidikan Moral digubal mengikut enam tema yang menjadi wahana untuk menyampaikan nilai universal. Penggubalan tema ini mengambil kira struktur hubungan murid dengan persekitarannya, seperti kerohanian, budaya, sosioemosi, alam sekeliling dan sebagainya. Tema tersebut adalah seperti dalam Jadual 6.

Jadual 6: Tema Pendidikan Moral Mengikut Tahun

TAHUN	TEMA
1	Diri Saya
2	Saya dan Keluarga
3	Saya dan Sekolah
4	Saya dan Jiran
5	Saya dan Masyarakat
6	Saya dan Negara

Setiap SK diterjemahkan melalui SP. Guru perlu merujuk kepada maklumat yang terdapat dalam SK dan SP untuk mengetahui tumpuan, kedalaman dan keluasan tajuk yang perlu diajar. SPi pula merupakan tahap-tahap prestasi yang perlu murid pamerkan sebagai tanda bahawa sesuatu perkara yang diajar itu telah dikuasai oleh murid. SPi ini digubal dengan mengambil kira tahap keperluan, perkembangan dan kematangan murid. Penerangan bagi setiap SK, SP dan SPi ditunjukkan seperti dalam Jadual 7.

Jadual 7: Tafsiran Standard Kandungan, Standard Pembelajaran dan Standard Prestasi

STANDARD KANDUNGAN	STANDARD PEMBELAJARAN	STANDARD PRESTASI
<p>Penyataan spesifik tentang perkara yang murid patut ketahui dan boleh lakukan dalam suatu tempoh persekolahan merangkumi aspek pengetahuan, kemahiran dan nilai.</p>	<p>Suatu penetapan kriteria atau indikator kualiti pembelajaran dan pencapaian yang boleh diukur bagi setiap standard kandungan.</p>	<p>Suatu set kriteria umum yang menunjukkan tahap-tahap prestasi yang perlu murid pamerkan sebagai tanda bahawa sesuatu perkara itu telah dikuasai murid.</p>



Dalam organisasi kandungan, terdapat lajur Catatan. Lajur ini mengandungi cadangan aktiviti dan nota. Guru boleh melaksanakan aktiviti tambahan selain daripada yang dicadangkan mengikut kreativiti dan keperluan untuk mencapai Standard Pembelajaran.

Penggunaan DSKP KSSR Pendidikan Moral secara optimum adalah perlu bagi membantu guru melaksanakan PdP Pendidikan Moral dengan lebih berkesan. Guru perlu memahami dan menghayati sepenuhnya kandungan yang terdapat dalam beberapa lajur DSKP. Penerangan berkaitan lajur tersebut adalah seperti berikut:

### **Standard Kandungan**

Lajur ini mengandungi pernyataan spesifik tentang konsep atau tindakan moral yang murid patut ketahui dan boleh lakukan.

### **Standard Pembelajaran**

Lajur ini merupakan penetapan kriteria atau indikator kualiti Pendidikan Moral yang dibina berdasarkan tiga domain moral iaitu penaakulan moral, emosi moral dan perlakuan moral. Penetapan kriteria ini mengambil kira pencapaian yang boleh diukur bagi setiap SK dan aspek KBAT yang boleh dicapai oleh murid.

### **Standard Prestasi**

Lajur ini adalah suatu set kriteria Pendidikan Moral yang menunjukkan tahap-tahap pengetahuan Moral yang perlu murid pamerkan sebagai tanda bahawa sesuatu pengetahuan Moral itu telah dikuasai murid. Lajur ini terbahagi kepada dua iaitu tahap penguasaan dan tafsiran bagi tahap penguasaan tersebut.

### **Catatan**

Lajur ini mengandungi nilai dan cadangan aktiviti yang boleh digunakan oleh guru Pendidikan Moral bagi memastikan SK serta SP dapat dikuasai oleh murid.

**Nilai** yang dinyatakan adalah nilai yang perlu diterapkan oleh guru dalam satu sesi PdP. Nilai dalam lajur ini adalah antara 14 nilai universal yang terkandung dalam KSSR Pendidikan Moral.

**Cadangan Aktiviti** yang terdapat dalam lajur ini turut membantu guru melaksanakan aktiviti PdP yang menarik dan berkesan. Cadangan aktiviti yang dikemukakan telah mengambil kira kesesuaian SK dan SP. Guru boleh mengubahsuai cadangan aktiviti ini sesuai dengan tahap kecerdasan, kebolehan dan juga keadaan sekeliling murid.



## TEMA : SAYA DAN NEGARA

Tema ini memerihalkan nilai universal yang perlu difahami, dihayati dan diamalkan oleh murid terhadap negara. Murid yang menguasai nilai universal akan mempertimbangkan tindakan dan perlakuan moralnya terhadap negara dengan lebih berkesan berlandaskan agama atau kepercayaan, peraturan dan undang-undang, serta norma masyarakat.

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>1.0</b> <b>Kepercayaan kepada Tuhan Menjamin Kesejahteraan Negara</b>	Murid boleh:			<b>Nilai:</b> <ul style="list-style-type: none"> <li>Kepercayaan Kepada Tuhan</li> </ul> <b>Cadangan Aktiviti:</b> <ul style="list-style-type: none"> <li>Murid membuat carian dengan menggunakan pelbagai media berkaitan maksud Kepercayaan kepada Tuhan dalam prinsip Rukun Negara.</li> <li>Murid melakukan aktiviti sumbangsaran berkaitan cara mengamalkan kepercayaan kepada Tuhan demi kesejahteraan negara.</li> <li>Murid menjalankan aktiviti perbincangan tentang kepentingan kepercayaan kepada Tuhan demi kesejahteraan negara.</li> <li>Murid menjalankan simulasi berkaitan amalan Kepercayaan kepada Tuhan demi kesejahteraan negara.</li> </ul>
	1.1 Menjelaskan maksud Kepercayaan kepada Tuhan dalam prinsip Rukun Negara.	1	Menyatakan maksud Kepercayaan kepada Tuhan dalam prinsip Rukun Negara.	
	1.2 Memerihalkan cara mengamalkan kepercayaan kepada Tuhan demi kesejahteraan negara.	2	Menerangkan cara mengamalkan kepercayaan kepada Tuhan demi kesejahteraan negara.	
	1.3 Menghuraikan kepentingan amalan kepercayaan kepada Tuhan demi kesejahteraan negara.	3	Menghubungkait amalan kepercayaan kepada Tuhan demi kesejahteraan negara dengan kepentingannya.	
	1.4 Mengekspresikan perasaan berkaitan dengan amalan kepercayaan kepada Tuhan demi kesejahteraan negara.	4	Mengenal pasti dan mempamerkan perasaan berkaitan dengan kepercayaan kepada Tuhan demi kesejahteraan negara.	
	1.5 Mengamalkan sikap kepercayaan kepada Tuhan demi kesejahteraan negara.	5	Menghayati dan melaksanakan sikap kepercayaan kepada Tuhan demi kesejahteraan negara dalam kehidupan harian.	
		6	Menghayati dan mengamalkan sikap kepercayaan kepada Tuhan demi kesejahteraan negara secara tekak serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>2.0</b> <b>Bantuan dan Sokongan Moral Kepada Negara</b>	Murid boleh:	1 2 3 4 5 6	Menyatakan contoh bantuan dan sokongan moral yang boleh disumbangkan kepada negara.	<b>Nilai:</b> <ul style="list-style-type: none"> <li>Baik Hati</li> </ul> <b>Cadangan Aktiviti:</b> <ul style="list-style-type: none"> <li>Murid menonton tayangan video dan membuat refleksi berkaitan bantuan yang dihulurkan semasa kecemasan atau bencana alam dalam negara.</li> <li>Murid menghasilkan brosur berkaitan bantuan dan sokongan moral kepada negara.</li> <li>Murid menjalankan aktiviti <i>Gallery Walk</i> tentang kepentingan amalan memberi bantuan dan sokongan moral kepada negara.</li> <li>Murid menjalankan aktiviti main peranan berkaitan dengan amalan memberi bantuan dan sokongan moral kepada negara.</li> </ul>
	2.1 Menyenaraikan contoh bantuan dan sokongan moral yang boleh disumbangkan kepada negara.		Menerangkan cara memupuk budaya memberi bantuan dan sokongan moral kepada negara.	
	2.2 Menghuraikan cara memupuk budaya memberi bantuan dan sokongan moral kepada negara.		Menghubungkan amalan memberi bantuan dan sokongan moral kepada negara dengan kepentingannya.	
	2.3 Menjelaskan kepentingan amalan memberi bantuan dan sokongan moral kepada negara.		Mengenal pasti dan mempamerkan perasaan berkaitan dengan amalan memberi bantuan dan sokongan moral kepada negara.	
	2.4 Mengekspresikan perasaan berkaitan dengan amalan memberi bantuan dan sokongan moral kepada negara.		Menghayati dan melaksanakan sikap memberi bantuan dan sokongan moral kepada negara dalam kehidupan harian.	
	2.5 Mengamalkan sikap memberi bantuan dan sokongan moral kepada negara.		Menghayati dan mengamalkan sikap memberi bantuan dan sokongan moral kepada negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>3.0</b> <b>Tanggungjawab</b> <b>Sebagai</b> <b>Warganegara</b>	Murid boleh:	1	Menyatakan definisi warganegara.	<b>Nilai:</b> <ul style="list-style-type: none"> <li>Bertanggungjawab</li> </ul> <b>Cadangan Aktiviti:</b> <ul style="list-style-type: none"> <li>Murid mencari definisi warganegara melalui pelbagai media dan membuat ulasan.</li> <li>Murid menghasilkan sebuah peta minda berkenaan tanggungjawab sebagai warganegara.</li> <li>Murid berbincang dalam kumpulan tentang kesan pengabaian tanggungjawab sebagai warganegara.</li> <li>Murid menjalankan main peranan sebagai ahli parlimen dalam parlimen mini.</li> </ul>
	3.1 Memberikan definisi warganegara.	2	Menerangkan cara melaksanakan tanggungjawab sebagai warganegara.	
	3.2 Menghuraikan cara melaksanakan tanggungjawab sebagai warganegara.	3	Menghubungkan pengabaian tanggungjawab sebagai warganegara dengan kesannya.	
	3.3 Menjana idea kesan pengabaian tanggungjawab sebagai warganegara.	4	Mengenal pasti dan mempamerkan perasaan berkaitan dengan amalan bertanggungjawab sebagai warganegara.	
	3.4 Mengekspresikan perasaan berkaitan dengan amalan bertanggungjawab sebagai warganegara.	5	Menghayati dan melaksanakan sikap bertanggungjawab sebagai warganegara dalam kehidupan harian.	
	3.5 Mengamalkan sikap bertanggungjawab sebagai warganegara.	6	Menghayati dan mengamalkan sikap bertanggungjawab sebagai warganegara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>4.0</b> <b>Hargai Keunikan Negara</b>	Murid boleh:	1	Menyatakan keunikan negara.	<b>Nilai:</b> <ul style="list-style-type: none"> <li>Berterima Kasih</li> </ul> <b>Cadangan Aktiviti:</b> <ul style="list-style-type: none"> <li>Murid menghasilkan folio berkaitan keunikan negara.</li> <li>Murid menjalankan aktiviti <i>Gallery Walk</i> berkaitan dengan cara menghargai keunikan negara.</li> <li>Murid menghasilkan sajak tentang kepentingan amalan menghargai keunikan negara.</li> <li>Murid menghasilkan projek yang menunjukkan sikap menghargai keunikan negara mengikut kreativiti sendiri.</li> </ul>
	4.1 Menyenaraikan keunikan negara.	2	Menerangkan cara menghargai keunikan negara.	
	4.2 Menghuraikan cara menghargai keunikan negara.	3	Menghubungkan amalan menghargai keunikan negara dengan kepentingannya.	
	4.3 Menjelaskan kepentingan amalan menghargai keunikan negara.	4	Mengenal pasti dan mempamerkan perasaan berkaitan dengan amalan menghargai keunikan negara.	
	4.4 Mengekspresikan perasaan berkaitan dengan amalan menghargai keunikan negara.	5	Menghayati dan melaksanakan sikap menghargai keunikan negara dalam kehidupan harian.	
	4.5 Mengamalkan sikap menghargai keunikan negara.	6	Menghayati dan mengamalkan sikap menghargai keunikan negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>5.0</b> <b>Amalan Hemah Tinggi Meningkatkan Imej Negara</b>	Murid boleh:			<b>Nilai:</b> <ul style="list-style-type: none"> <li>Hemah Tinggi</li> </ul> <b>Cadangan Aktiviti:</b> <ul style="list-style-type: none"> <li>Murid menghasilkan buku skrap tentang contoh amalan hemah tinggi demi meningkatkan imej negara dan membuat ulasan.</li> <li>Murid berbincang tentang cara mengamalkan hemah tinggi demi meningkatkan imej negara.</li> <li>Murid menjalankan aktiviti syarahan tentang kepentingan amalan hemah tinggi demi meningkatkan imej negara.</li> <li>Murid menghasilkan klip video berkaitan cara menyambut pelancong dari luar negara.</li> </ul>
	5.1 Menjelaskan contoh amalan hemah tinggi demi meningkatkan imej negara.	1	Menyatakan contoh amalan hemah tinggi demi meningkatkan imej negara.	
	5.2 Memerihalkan cara mengamalkan hemah tinggi demi meningkatkan imej negara.	2	Menerangkan cara mengamalkan hemah tinggi demi meningkatkan imej negara.	
	5.3 Menghuraikan kepentingan amalan hemah tinggi demi meningkatkan imej negara.	3	Menghubungkait amalan hemah tinggi demi meningkatkan imej negara dengan kepentingannya.	
	5.4 Mengekspresikan perasaan berkaitan amalan hemah tinggi demi meningkatkan imej negara.	4	Mengenal pasti dan mempamerkan perasaan berkaitan amalan hemah tinggi demi meningkatkan imej negara.	
	5.5 Mengamalkan sikap hemah tinggi demi meningkatkan imej negara.	5	Menghayati dan melaksanakan sikap hemah tinggi demi meningkatkan imej negara dalam kehidupan harian.	
		6	Menghayati dan mengamalkan sikap hemah tinggi demi meningkatkan imej negara secara tekal serta boleh dicontohi.	



STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>6.0</b> <b>Hormati Identiti Negara</b>	Murid boleh:	1	Menyatakan contoh identiti negara.	<b>Nilai:</b> <ul style="list-style-type: none"> <li>Hormat</li> </ul> <b>Cadangan Aktiviti:</b> <ul style="list-style-type: none"> <li>Murid membuat carian di laman sesawang berkaitan identiti negara.</li> <li>Murid membina peta pemikiran berkaitan dengan cara menghormati identiti negara.</li> <li>Murid melakukan aktiviti perbincangan tentang kepentingan menghormati identiti negara.</li> <li>Murid berkongsi pengalaman peribadi berkaitan sikap menghormati identiti negara.</li> </ul>
	6.1 Memberi contoh identiti negara.	2	Menerangkan cara menghormati identiti negara.	
	6.2 Menghuraikan cara menghormati identiti negara.	3	Menghubungkait amalan menghormati identiti negara dengan kepentingannya.	
	6.3 Menaakul kepentingan menghormati identiti negara.	4	Mengenal pasti dan mempamerkan perasaan berkaitan dengan menghormati identiti negara.	
	6.4 Mengekspresikan perasaan berkaitan dengan menghormati identiti negara.	5	Menghayati dan melaksanakan sikap menghormati identiti negara dalam kehidupan harian.	
	6.5 Mengamalkan sikap menghormati identiti negara.	6	Menghayati dan mengamalkan sikap menghormati identiti negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>7.0</b> <b>Cinta Akan Negara</b>	Murid boleh:			<b>Nilai:</b> <ul style="list-style-type: none"> <li>Kasih Sayang</li> </ul> <b>Cadangan Aktiviti:</b> <ul style="list-style-type: none"> <li>Murid menonton klip video tentang amalan cinta akan negara.</li> <li>Murid menghasilkan poster berkaitan dengan cara memupuk semangat cinta akan negara.</li> <li>Murid menulis esei berkaitan dengan kesan pengabaian amalan cinta akan negara.</li> <li>Murid menghasilkan Jalur Gemilang menggunakan pelbagai bahan mengikut kreativiti.</li> </ul>
	7.1 Menyenaraikan contoh amalan cinta akan negara.	1	Menyatakan contoh amalan cinta akan negara.	
	7.2 Menghuraikan cara memupuk amalan cinta akan negara.	2	Menerangkan cara memupuk amalan cinta akan negara.	
	7.3 Merumuskan kesan pengabaian amalan cinta akan negara.	3	Menghubungkait pengabaian amalan cinta akan negara dengan kesannya.	
	7.4 Mengekspresikan perasaan berkaitan dengan amalan cinta akan negara.	4	Mengenal pasti dan mempamerkan perasaan berkaitan dengan amalan cinta akan negara.	
	7.5 Mengamalkan sikap amalan cinta akan negara.	5	Menghayati dan melaksanakan sikap cinta akan negara dalam kehidupan harian.	
		6	Menghayati dan mengamalkan sikap cinta akan negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>8.0</b> <b>Amalan Adil Demi Kesejahteraan Negara</b>	Murid boleh:			<b>Nilai:</b> <ul style="list-style-type: none"> <li>Keadilan</li> </ul> <b>Cadangan Aktiviti:</b> <ul style="list-style-type: none"> <li>Murid membuat pembentangan berkaitan institusi yang menegakkan keadilan negara dengan menggunakan pelbagai media.</li> <li>Murid membuat simulasi tentang amalan adil demi kesejahteraan negara.</li> <li>Murid menggantung kad kepentingan amalan adil demi kesejahteraan negara di pokok hiasan.</li> <li>Murid membuat lawatan ke institusi keadilan seperti pejabat polis, mahkamah, Suruhanjaya Pencegahan Rasuah Malaysia dan sebagainya.</li> </ul>
	8.1 Menyenaraikan contoh institusi yang menegakkan keadilan negara.	1	Menyatakan contoh institusi yang menegakkan keadilan negara.	
	8.2 Menghuraikan cara amalan adil demi kesejahteraan negara.	2	Menerangkan cara amalan adil demi kesejahteraan negara.	
	8.3 Menjelaskan kepentingan amalan adil demi kesejahteraan negara.	3	Menghubungkan amalan adil demi kesejahteraan negara dengan kepentingannya.	
	8.4 Mengekspresikan perasaan berkaitan dengan amalan adil demi kesejahteraan negara.	4	Mengenal pasti dan mempamerkan perasaan berkaitan dengan amalan adil demi kesejahteraan negara.	
	8.5 Mengamalkan sikap adil demi kesejahteraan negara.	5	Menghayati dan melaksanakan sikap adil demi kesejahteraan negara dalam kehidupan harian.	
		6	Menghayati dan mengamalkan sikap adil demi kesejahteraan negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>9.0</b> <b>Berani Mempertahankan Maruah Negara</b>	Murid boleh:			<b>Nilai:</b> <ul style="list-style-type: none"> <li>Keberanian</li> </ul> <b>Cadangan Aktiviti:</b> <ul style="list-style-type: none"> <li>Murid membuat perbincangan bersama rakan tentang contoh amalan berani mempertahankan maruah negara.</li> <li>Murid membuat rumusan tentang kepentingan amalan berani mempertahankan negara.</li> <li>Murid meramalkan kesan pengabaian amalan berani mempertahankan maruah negara dan membentangkannya.</li> <li>Murid dengan sikap berani mempertahankan maruah negara membalas emel rakan dari negara luar yang memburuk-burukkan negara kita.</li> </ul>
	9.1 Menyenaraikan contoh amalan berani mempertahankan maruah negara.	1	Menyatakan contoh amalan berani mempertahankan maruah negara.	
	9.2 Menghuraikan kepentingan amalan berani mempertahankan maruah negara.	2	Menerangkan kepentingan amalan berani mempertahankan maruah negara.	
	9.3 Merumuskan kesan pengabaian amalan berani mempertahankan maruah negara.	3	Menghubungkan pengabaian amalan berani mempertahankan maruah negara dengan kesannya.	
	9.4 Mengekspresikan perasaan berkaitan dengan amalan berani mempertahankan maruah negara.	4	Mengenal pasti dan mempamerkan perasaan berkaitan dengan amalan berani mempertahankan maruah negara.	
	9.5 Mengamalkan sikap berani mempertahankan maruah negara.	5	Menghayati dan melaksanakan sikap berani mempertahankan maruah negara dalam kehidupan harian.	
		6	Menghayati dan mengamalkan sikap berani mempertahankan maruah negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>10.0</b> <b>Kejujuran</b> <b>Demi</b> <b>Kesejahteraan</b> <b>Negara</b>	Murid boleh:			<b>Nilai:</b> <ul style="list-style-type: none"> <li>Kejujuran</li> </ul> <b>Cadangan Aktiviti:</b> <ul style="list-style-type: none"> <li>Murid membuat aktiviti sumbangsaran tentang cara bersikap jujur demi kesejahteraan negara.</li> <li>Murid membuat peta minda berkenaan kepentingan bersikap jujur demi kesejahteraan negara.</li> <li>Murid menjalankan aktiviti pidato berkenaan kesan pengabaian sikap jujur demi kesejahteraan negara.</li> <li>Murid melakonkan amalan jujur demi kesejahteraan negara berdasarkan kad situasi.</li> </ul>
	10.1 Menyenaraikan cara bersikap jujur demi kesejahteraan negara.	1	Menyatakan cara bersikap jujur demi kesejahteraan negara.	
	10.2 Menghuraikan kepentingan bersikap jujur demi kesejahteraan negara.	2	Menerangkan kepentingan bersikap jujur demi kesejahteraan negara.	
	10.3 Merumuskan kesan pengabaian sikap jujur demi kesejahteraan negara.	3	Menghubungkait pengabaian sikap jujur demi kesejahteraan negara dengan kesannya.	
	10.4 Mengekspresikan perasaan berkaitan dengan sikap jujur demi kesejahteraan negara.	4	Mengenal pasti dan mempamerkan perasaan berkaitan dengan sikap jujur demi kesejahteraan negara.	
	10.5 Mengamalkan sikap jujur demi kesejahteraan negara.	5	Menghayati dan melaksanakan sikap jujur demi kesejahteraan negara dalam kehidupan harian.	
		6	Menghayati dan mengamalkan sikap jujur demi kesejahteraan negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>11.0</b> <b>Rajin Demi Kemajuan Negara</b>	Murid boleh:			<b>Nilai:</b> <ul style="list-style-type: none"> <li>Kerajinan</li> </ul> <b>Cadangan Aktiviti:</b> <ul style="list-style-type: none"> <li>Murid menghasilkan kompilasi slaid suri teladan yang mengharumkan nama negara dengan menggunakan <i>Power Point</i>.</li> <li>Murid menjalankan aktiviti <i>Gallery Walk</i> berkaitan dengan cara amalan rajin demi kemajuan negara.</li> <li>Murid membuat peta minda berkaitan dengan kepentingan amalan rajin demi kemajuan negara.</li> <li>Murid menjalankan aktiviti main peranan dengan memainkan watak seorang suri teladan yang mengharumkan nama negara.</li> </ul>
	11.1 Menyenaraikan contoh suri teladan yang mengharumkan nama negara dalam pelbagai bidang.	1	Menyatakan contoh suri teladan yang mengharumkan nama negara dalam pelbagai bidang.	
	11.2 Menjelaskan cara amalan rajin demi kemajuan negara.	2	Menerangkan cara amalan rajin demi kemajuan negara.	
	11.3 Mengenal pasti kepentingan amalan rajin demi kemajuan negara.	3	Menghubungkan amalan rajin demi kemajuan negara dengan kepentingannya.	
	11.4 Mengekspresikan perasaan berkaitan dengan amalan rajin demi kemajuan negara.	4	Mengenal pasti dan mempamerkan perasaan berkaitan dengan amalan rajin demi kemajuan negara.	
	11.5 Mengamalkan sikap rajin demi kemajuan negara.	5	Menghayati dan melaksanakan sikap rajin demi kemajuan negara dalam kehidupan harian.	
		6	Menghayati dan mengamalkan sikap rajin demi kemajuan negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>12.0</b> <b>Kerjasama Demi Keharmonian Negara</b>	Murid boleh:	1	Menyatakan contoh kerjasama demi keharmonian negara.	<b>Nilai:</b> <ul style="list-style-type: none"> <li>• Kerjasama</li> </ul> <b>Cadangan Aktiviti:</b> <ul style="list-style-type: none"> <li>• Murid membina peta pemikiran berkaitan dengan contoh kerjasama demi keharmonian negara.</li> <li>• Murid membuat brosur berkaitan amalan kerjasama demi keharmonian negara.</li> <li>• Murid mencari artikel dari media elektronik berkaitan dengan kepentingan sikap kerjasama demi keharmonian negara.</li> <li>• Murid berkongsi maklumat berkaitan dengan pengalaman bekerjasama demi keharmonian negara.</li> </ul>
	12.1 Memerihalkan contoh kerjasama demi keharmonian negara.	2	Menerangkan cara memupuk amalan kerjasama demi keharmonian negara.	
	12.2 Menjelaskan cara memupuk amalan kerjasama demi keharmonian negara.	3	Menghubungkan amalan kerjasama demi keharmonian negara dengan kepentingannya.	
	12.3 Menghuraikan kepentingan amalan kerjasama demi keharmonian negara.	4	Mengenal pasti dan mempamerkan perasaan berkaitan dengan amalan kerjasama demi keharmonian negara.	
	12.4 Mengekspresikan perasaan berkaitan dengan amalan kerjasama demi keharmonian negara.	5	Menghayati dan melaksanakan sikap bekerjasama demi keharmonian negara dalam kehidupan harian.	
	12.5 Mengamalkan sikap bekerjasama demi keharmonian negara.	6	Menghayati dan mengamalkan sikap bekerjasama demi keharmonian negara secara tekal serta boleh dicontohi.	

STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>13.0</b> <b>Amalan Kesederhanaan Demi kesejahteraan Negara</b>	Murid boleh:			<b>Nilai:</b> <ul style="list-style-type: none"> <li>Kesederhanaan</li> </ul> <b>Cadangan Aktiviti:</b> <ul style="list-style-type: none"> <li>Murid mencari bahan daripada pelbagai sumber tentang amalan sederhana demi kesejahteraan negara.</li> <li>Murid menjalankan aktiviti sumbangsaran berkenaan dengan kepentingan bersikap sederhana demi kesejahteraan negara.</li> <li>Murid membuat peta minda tentang pengabaian amalan kesederhanaan demi kesejahteraan negara.</li> <li>Murid menghasilkan kata-kata hikmah berkaitan nilai kesederhanaan demi kesejahteraan negara dengan menggunakan pelbagai media.</li> </ul>
	13.1 Menyenaraikan contoh amalan kesederhanaan demi kesejahteraan negara.	1	Menyatakan contoh amalan kesederhanaan demi kesejahteraan negara.	
	13.2 Menghuraikan kepentingan amalan kesederhanaan demi kesejahteraan negara.	2	Menerangkan kepentingan amalan kesederhanaan demi kesejahteraan negara.	
	13.3 Merumuskan kesan pengabaian amalan kesederhanaan demi kesejahteraan negara.	3	Menghubungkan pengabaian amalan kesederhanaan demi kesejahteraan negara dengan kesannya.	
	13.4 Mengekspresikan perasaan berkaitan dengan amalan kesederhanaan demi kesejahteraan negara.	4	Mengenal pasti dan mempamerkan perasaan berkaitan dengan amalan kesederhanaan demi kesejahteraan negara.	
	13.5 Mengamalkan sikap bersederhana demi kesejahteraan negara.	5	Menghayati dan melaksanakan sikap bersederhana demi kesejahteraan negara dalam kehidupan harian.	
		6	Menghayati dan mengamalkan sikap bersederhana demi kesejahteraan negara secara tekal serta boleh dicontohi.	



STANDARD KANDUNGAN	STANDARD PEMBELAJARAN	STANDARD PRESTASI		CATATAN
		TAHAP PENGUASAAN	TAFSIRAN	
<b>14.0</b> <b>Amalan Toleransi Demi Perpaduan Negara</b>	Murid boleh:			<b>Nilai:</b> <ul style="list-style-type: none"> <li>Toleransi</li> </ul> <b>Cadangan Aktiviti:</b> <ul style="list-style-type: none"> <li>Murid mencari keratan gambar dari pelbagai media berkaitan dengan amalan toleransi demi perpaduan negara.</li> <li>Murid menghasilkan puisi berkaitan dengan kepentingan amalan toleransi demi perpaduan negara.</li> <li>Murid menjalankan aktiviti syarahan berkenaan kesan pengabaian amalan toleransi demi perpaduan negara.</li> <li>Murid melakonkan amalan toleransi demi perpaduan negara berdasarkan kad situasi.</li> </ul>
	14.1 Memberi contoh amalan toleransi demi perpaduan negara.	1	Menyatakan contoh amalan toleransi demi perpaduan negara.	
	14.2 Menghuraikan kepentingan amalan toleransi demi perpaduan negara.	2	Menerangkan kepentingan amalan toleransi demi perpaduan negara.	
	14.3 Merumuskan kesan pengabaian amalan toleransi demi perpaduan negara.	3	Menghubungkan pengabaian amalan toleransi demi perpaduan negara dengan kesannya.	
	14.4 Mengekspresikan perasaan berkaitan dengan amalan toleransi demi perpaduan negara.	4	Mengenal pasti dan mempamerkan perasaan berkaitan dengan amalan toleransi demi perpaduan negara.	
	14.5 Mengamalkan sikap bertoleransi demi perpaduan negara.	5	Menghayati dan melaksanakan sikap bertoleransi demi perpaduan negara dalam kehidupan harian.	
		6	Menghayati dan mengamalkan sikap bertoleransi demi perpaduan negara secara tekak serta boleh dicontohi.	

**PANEL PENGUBAL**

<b>Nama Panel</b>	<b>Alamat Berkhidmat Panel</b>
1. Than Chew Keok	Bahagian Pembangunan Kurikulum, Putrajaya
2. Azmarina binti Abdul Samad	Bahagian Pembangunan Kurikulum, Putrajaya
3. Leong Hooi Li	Bahagian Pembangunan Kurikulum, Putrajaya
4. Velusamy a/l Kuppusamy	Bahagian Pembangunan Kurikulum, Putrajaya
5. Vijayaletmy a/p Muniyandy	IPGM Kampus Bahasa Melayu, Lembah Pantai, Kuala Lumpur
6. Haryati binti Husin	SK Seksyen 7, Bandar Baru Bangi, Selangor
7. Moshazaimatun binti Mohamed Yunus	SK Bukit Naga, Kampung Bukit Naga, Selangor
8. Najhan bin Mat Akhir	SK Kg. Jawa 2, Klang, Selangor
9. Wang Lock Hui	SK Hulu Klang, Ampang, Selangor
10. Chan Chen Chong	SJKC Balakong, Seri Kembangan, Selangor
11. Kuan Siew Poh	SJKC Sungai Chua, Kajang, Selangor
12. Lee Phooi Sze	SJKC Connaught 2, Cheras, Selangor
13. Sing Bee Khim	SJKC Foon Yew 4, Johor Bharu
14. Bhuvaneshwary a/p Krishnan	SJKT West Country, Kajang, Selangor
15. Suresh Kumar a/l Manikam	SJKT Ladang Jeram Padang, Bahau, Negeri Sembilan
16. Vatsala a/p Gopal	SJKT Kg Pandan, Kuala Lumpur

**TURUT MENYUMBANG**

1. J. Krishna Kumary a/p Juval	IPGM Kampus Bahasa Melayu, Lembah Pantai, Kuala Lumpur
2. Badriyatun binti Kamar	IPGM Kampus Pendidikan Teknik, Nilai, Negeri Sembilan
3. Chander a/l Vengadasalam	IPGM Kampus Pendidikan Teknik, Nilai, Negeri Sembilan
4. Dr. Noor Banu binti Mahadir	UPSI, Tanjung Malim, Perak

**PENGHARGAAN****Penasihat**

Haji Azman bin Haji Adnan	Pengarah
Dr. Latip bin Mohammad	Timbalan Pengarah Kanan (Kluster Dasar Sains & Teknologi)

**Penasihat Editorial**

Nooraini binti Kamaruddin	Timbalan Pengarah
Faridah binti Mohamad Zain	Timbalan Pengarah
Dr. Kashry bin Ab. Rani	Timbalan Pengarah
Mohamed Salim bin Taufix Rashidi	Timbalan Pengarah
Hajah Norashikin binti Hashim	Timbalan Pengarah
Fazlinah binti Said	Timbalan Pengarah

**PENGHARGAAN****Penasihat (April 2019)**

Dr. Mohamed bin Abu Bakar	Pengarah
Datin Dr. Ng Soo Boon	Timbalan Pengarah (Dasar dan Sains & Teknologi)

**Penasihat Editorial (April 2019)**

Mohamed Zaki bin Abd. Ghani	Ketua Sektor
Haji Naza Idris bin Saadon	Ketua Sektor
Mahyudin bin Ahmad	Ketua Sektor
Dr. Rusilawati binti Othman	Ketua Sektor
Mohd Faudzan bin Hamzah	Ketua Sektor
Fazlinah binti Said	Ketua Sektor
Mohamed Salim bin Taufiq Rashidi	Ketua Sektor
Haji Sofian Azmi bin Tajul Arus	Ketua Sektor
Paizah binti Zakaria	Ketua Sektor
Hajah Norashikin binti Hashim	Ketua Sektor

**Penyelaras Teknikal Penerbitan dan Spesifikasi**

Isnazhana binti Ismail  
Mior Syazril bin Mohamed Sapawi  
Siti Zulikha binti Zelkepli

**Penyelaras Teknikal Penerbitan dan Spesifikasi (2019)**

Saripah Faridah binti Syed Khalid  
Nur Fadia Binti Mohamed Radzuan  
Mohamad Zaiful bin Zainal Abidin  
Siti Zulikha binti Zelkepli





ISBN 978-967-420-579-9



9 7 8 9 6 7 4 2 0 5 7 9 9

**Bahagian Pembangunan Kurikulum  
Kementerian Pendidikan Malaysia**  
Aras 4, 6-8 Blok E9, Kompleks Kerajaan Parcel E,  
62604 Putrajaya.  
Tel: 03-8884 2000 Fax: 03-8888 9917  
<http://bpk.moe.gov.my>